

Երեւան քաղաքի բնակիչներին թիւը Վագ-
ներ հաշուում է 11-12 հազար, կէսից աւելին՝
հայեր: Բացի մի քանի ուռւ ընտանիքներից,
որոնք շուտ-շուտ փոխելիս են եղել իրենց բը-
նակավայրը, ուրիշ տեւէ երոպացի բնակիչ
չէ եղել Երեւանում: Քաղաքից դուրս դաւառ-
ներում, ընդհակառակը, մահմետականները
մեծամասնութիւն են կազմել: «Ռուսների տի-
րապետութիւնից առաջ հայերը Երեւանի շըր-
ջանի բնակչութեան իսպիւ 1/3-ն էին կազ-
մում... Մի քանի տարի յետոյ հաւանորէն
հայ աշխարհի այս «պատմական կենտրոնում»
քրիստոնեայ տարրը իր թուով գերակշռող
պիտի դառնայ: Վասնզի մահմետական բնակ-
չութիւնը այստեղ շարունակ պակասում է:
Թէեւ ուռւ կառավարութիւնը իր հողի վրայ
նստած թաթարներին այժմ այլեւս թոյլ չէ
տալիս տեղափոխուելու, բայց եւ այնպէս հա-
ղիւ է անցնում մէկ ամիս, որ դրանցից մի քա-
նի ընտանիք սահմանը չանցնին: Սրանք գերա-
դասում են իրենց հաւատակից կառավարու-
թեան ձեռքի տակ ապրել Ատրպատականում,
թէկուզ աւելի դաժան վարչութեան ճնշումնե-
րի ենթակայ»:

Ոչ միայն Երեւան քաղաքի, այլ եւ ամբողջ
նահանգի տնտեսական խեղճութիւնը եւ աստի-
ճանական անկումը աչքի է ընկել:

«Այդ բանը, — ասում է Վ., — խոստովա-
նում են մինչեւ իսկ շատ ուռւ պաշտօնեաներ:
Երկրում բնաւ գոյութիւն չունի ճարտարա-
ուեստ, հողի արտադրութիւններն էլ սպառում
են տեղացիներն իրենք»: Թէ ուռւ «հայրախը-
նամ կառավարութիւնը» ինչպէս է ծծել հա-
յոց աղքատիկ երկրի կենսական հիւթերը, ե-
րեւում է գերման ճամբորդի խօսքերից: «Ռուս
պետական գանձարանը մի կողմից եւ այստեղ
հարստացած պաշտօնեաները միւս կողմից,
իւրաքանչիւր տարի կէս միլիոն րուբլի են
դուրս տանում Երասխի հովտի այս աղքատ
երկրամասերից, ոչինչ չտալով դրա փոխա-
րէն»: Ռուսների մուծած մաքսային արգելք-
ները եւ տրանզիտի խափանումը յիշատակել
է արդէն հեղինակը, նորից կրկնում եւ ընդ-
գծում է նա այդ պարագան ու «կրկնակ կոր-
ծանարար» անուանում գայն Հայաստանի հա-
մար, որ «մշտական խոց է բաց արել այս երկ-

րի մարմնի վրայ»: Կարծէք բաւական չէր մի-
ջանցքային առեւտրի (տրանզիտ) խափանումի
հետեւանքով ծագած տնտեսական չարիքը:
Պակասը լրացնում են ուռւ չիմովիկները:

Արժէ լսել Վագների վկայութիւնը մի
հայ-ուռւ բարձր չինովնիկի մասին՝ այդ իսկ
տեսակէտից:

«Ծագումով մի հայ, իշխան Բեհրուքովը
— Վ. գարմանում է որ իրենից առաջ Հայաս-
տան եկած գերման ճամբորդ Կարլ Կոխ նրան
«ամենասիրալիք» մարդկանցից մէկն է ան-
ուանում — որ առաջ տարիներ շարունակ այս-
տեղի նահանգապետն էր, եղել էր երկրի ամե-
նավատքար կողովորէր եւ բռնապետը: Ամ-
բողջ ժողովուրդը միաբերան անիծում է նը-
րան՝ որպէս նահանգի պատուհասը: Եւ ոչ մի
փաշա, ոչ մի սարդար՝ աղքատ գիւղացու քըր-
տընքից այնչափով ոսկեդրամ չէ հանել, որ-
չափ՝ այս հայը: Իր գծբախտ հայրենակիցնե-
րը նրա բաւական երկարատեւ ու դաժան՝
վարչութեան տակ անհաւատալիորէն շատ
տանջուել են: Իւրաքանչիւր ոք այն ժամանակ
երազել է միայն այն մասին, որ վերադառնայ
պարտիկ իշխանութիւնը... Այդ մարդու բըր-
նութեան ահից ամէնքի լեզուն կապուած է ե-
ղել... Գաւառական բոլոր պաշտօնեաները
նրա երկրպագուններն են եղել, որովհետեւ նը-
րանք աղատ էին իրենց չըջաններում ուզած-
նին պէս ճնշելու ժողովուրդին, միայն թէ՛
իրեն լիովին վճարէին ատացած պաշտօնների
համար պահանջուած գումարները»:

Պակասը լրացնում են, ուրեմն, միւս մեծ
ու փոքր, չինովնիկները:

Այսպէս, Երեւանի գաւառապետ Գալաչե-
ւըսկին, որ ընդամէնը մի քանի ամիս միայն
պաշտօնավարած է եղել, երկրից քաշել է այդ-
կարճ ժամանակամիջոցում 100,000 րուբլի:
«Նա իշխանի նման էր ապրում, չուքով չըջա-
պատուած: Ես յաճախ նրան տեսնում էի շքա-
դարդ երիվարի վրայ նստած ու բազմաթիւ
մանկլաւիկներով չըջապատուած՝ դրօսնելու
երթալիս»:

Բեհրուքովը, «այդ սրիկան, վերջապէս
թողնում է իր պաշտօնը՝ բեռնաւորուած հա-
րըստութեամբ եւ շքանշաններով: Իր տեղը